



UNIVERSITÄTS-
BIBLIOTHEK
PADERBORN

Universitätsbibliothek Paderborn

Commentarii Exegetici In Apocalypsim Ioannis Apostoli

Viegas, Brás

Parisiis, 1615

Visio huius capituli imaginaria describitur. Sectio Prima.

urn:nbn:de:hbz:466:1-39261

timorem sunt missi, & dederunt gloriam Deo cæli. Væ secundum abiit: & ecce væ tertium veniet cito. Et septimus Angelus tuba cecinit, & factæ sunt voces magnæ in cælo dicentes: Factum est regnum huius mundi Domini nostri, & Christi eius, & regnabit in secula seculorum: Amen: Et viginti quatuor seniores, qui in conspectu Dñi sedent in sedibus suis, ceciderunt in facies suas, & adorauerunt Deum, dicentes: Gratias agimus tibi Domine Deus omnipotens, qui es, & qui eras, & qui venturus es: qui accepisti virtutem tuam magnam, & regnasti. Et iratæ sunt gentes, & aduenit ira tua, & tempus mortuorum iudicari, & reddere mercedem seruis tuis Prophetis, & sanctis, & timentibus nomen tuum pusillis, & magnis, & exterminandi eos, qui corruerunt terram, Et apertum est templum Dei in cælo & visa est arca testamenti in templo eius, & facta sunt fulgura, & voces, & terræ motus, & grando magna.

COMMENTARIUM QVINTVM EXEGETICVM.

De Tertia visione Ioannis.

Visio huius capituli imaginaria describitur.

SECTIO PRIMÆ.

P R I M V M datus fuit Ioanni calamus similis virgæ, id est, mensura quædam sex cubitorum, & palmi, vt postea dicemus. Secundo. Lubetur eiusmodi calamo metiri templum Dei, & altare, & adorantes in eo. Proculdubio intelligendū est altare, holocausti, quod simpliciter altare appellari consuevit, eratque in atrio Sacerdotum: quo fit, vt per templum intelligibili debeant duæ illæ templi partes, videlicet Sancta sanctorum, & Sancta: hæc enim magis propriè templum dicebantur: per altare autem holocausti accipiendum sit atrium interius, siue Sacerdotum, vbi erat eiusmodi altare vnde & adorantes in eo, quos etiam metiri præcipitur, ipsi Sacerdotes sunt, & Leuitæ, quibus solis patebat aditus in eiusmodi atrium. Cum verò subditur: *Atrium autem, quod est foris templum, eijce foras, & ne metiaris illud,* atrium exterius quod laicis patebat, est accipiendum: quod extra templum esse dicitur, quia cum laicorum esset, iam templi nomine non censebatur. Atque hæc omnia ad Ecclesiam ex similitudine templi Salomonis referenda sunt, non ad ipsum Salomonis templum, quod iam tempore huius visionis à Tito fuerat incensum. Tertio. Dicitur atrium hoc exterius datum Gentibus, & ciuitas sancta ad conculcandum mensibus quadraginta duobus, id est, tribus annis cum dimidio. Quarto. Promittit Dominus daturum se spiritum duobus testibus.

Altare holocausti appellatur sicut licet altare.

Gg ij

fuis, vt prophetent diebus mille ducentis sexaginta, amicti saecis, id est, circiter tribus annis cum dimidio, viginti scilicet diebus minus: etenim tres anni cum dimidio continent dies mille ducentos octoginta. Deinde hos duos testes appellat duas oliuas, & duo candelabra in conspectu Domini: *Et si quis, inquit, voluerit eis nocere, exiet ignis de ore eorum, & inimicos eorum deuorabit. Et habent potestatem elaudendi caelum, de plura diebus prophetiae isphorici: & potestatem conuertendi aquas in sanguinem, & percussendi terram omni plaga, quotiescunque voluerint.* Quinto. Cum testimonium suum absoluerint, *Baβtia, quae ascendit de abisso mouebit aduersus eos bellum, eosque superabit, & occidet: & corpora eorum iacebunt in plateis ciuitatis magna, quae vocatur spirituualiter Sodoma, & Aegyptus, ubi Dominus eorum crucifixus est.* Iacebunt inhumata per tres dies cum dimidio, ex quo habitatores terrae maximam capient animo letitiam, & gratulationis causa inuicem sibi nūntiet munera, eo quod duo illi Prophetae maxime eos cruciauerint. Sexto. Post tres dies cum dimidio praedicti duo Prophetae resurrexerunt summa inimicorum suorum trepidatione, & audita de caelo voce, quae eos iussit in caelum ascendere, ascenderunt in nube inimicis eorum spectantibus: eademque hora factus est tremotus magnus, quo decima pars ciuitatis corruit, & occisa sunt septem hominum millia, reliqui vero timore perculli dederunt gloriam Deo: atque hic concludit Ioannes visionem sexti Angeli. Tunc de septimo addit septimum Angelum tuba cecinisse, factaque fuisse voces magnas in caelo, dicentes. *Factum est regnum huius mundi Domini nostri, & Christi eius, & regnabis in secula seculorum, Amen.* Deinde viginti quatuor seniores cecidisse in facies suas, adorantesque Deum dicentes: *Gratias tibi agimus Deus omnipotens, qui es, & qui eras, & qui venturus es: quia accepisti virtutem tuam magnam, & regnasti.* Denique apertum fuisse templum Dei in caelo, & visam fuisse arcam testamenti, factaque fuisse fulgura, & voces, & tremotum, & grandinem magnam. Haec generatim de Ioannis visione, nunc vberius singula in literalis sensu expendenda.

Cur datus sit Ioanni calamus similis virgae ad metiendum templum Dei, altare, & adorantes in eo.

SECTIO II.

I.

Hoc capite, vt diximus, incipit iam Ioannes de extremis mundi temporibus, & persecutione Antichristi vaticinari. Primumque iubetur calamo metiri templum Dei, quod non de Salomonis templo, vt potest iam euerso per Titum, sed de Ecclesia, quae illud figurauit, accipiendum esse superius monuimus. Primum igitur sciendum est hunc calamum mensuram esse, non scribendi instrumentum, vt communiter interpretes falso putauerunt: quod quidem manifestius est, quam vt ostendi debeat, cum Ioannes iubeatur eiusmodi calamo non scribere, sed metiri templum Dei: quare haud dubie genus mensurae est. Puto autem eiusdem fuisse mensurae, atque illum calamum, de quo agitur Ezech. 40. qui dicitur fuisse sex cubitorum, & palmi, palmi inquam, id est, quatuor digitorum, vt eo loco interpretatur D. Hieron. *Ezech. 40. 3. Ecce vir cuius erat species quasi species aris, & funiculus lineus in manu eius, & calamus mensura in manu eius.* Pro cuius rei maiori expositione est aduertendum apud Hebraeos fuisse mensuram quandam appellatam *Taphat*, quae continebat palmum sumptum non secundum quantitatem manus, extentam ab extremitate pollicis vsque ad minimi digiti summitatem, sed secundum quantitatem quatuor digitorum secundum latitudinem, quam ob causam sumebatur pro breui, & exigua quantitate, velut Psal. 38. *Mensurabiles posuisti dies meos, Hebraice palmares, id est, breuissimos, quod*